

Toletana Canoniciatus super Declaratoria.

Reu. Pater. **R**elaxandam esse declaratoriam re-
cribendam omnino speramus, &
reiciendam Partis Instantiam super prætenſa dubii ſubſcriptione
tamquam à iuris principiis extraneam, ne dicamus calumnio-
ſam & omni penitus fundamento & ratione deſtitutam, & qui-
dem eſt decernendam declaratoriam ex rationibus adductis in
mea facti, & abſque illa nunquam D. Principali ſperare valet
ſibi perſolvi fructus ſui Canoniciatus propter irrationabilem Il-
luſtriſſimi Capituli Toletani repugnantiam.

Quo vero ad reiectionem Inſtantie Partis ſuper prætenſa dubii ſub-
ſcriptione, non videtur poſſe conſiderari aliqua difficultas. Nam
dubium pro cuius ſubſcriptione inſtat Pars adverſa concernit
aſſertam fructuum noſtri Canoniciatus liquidationem qui illi de-
biti ſunt poſt extraditam Domino Principali vigore alterius de-
claratoriæ expeditæ à Reverendiſſimo meo Ponente, ut ex deci-
ſione ædita 14. Ianuarii 1724. Canoniciatus poſſeſſionem.

Exceptio autem liquidationis in hoc Iudicio non admittitur niſi
prius Reverendiſſimum Capitulum ſeu illius Procurator vigore
ſpecialis mandati in actis proteſtationem emittat eſſe paratum
perſolvere fructus decurſos, & in poſterum decurrendos poſt fa-
ctam liquidationem, & facto depoſito alicuius ſummæ, cum am-
pliſſima obligatione ſolvendi reſiduum, & niſi procedat huius-
modi parito, nunquam poteſt evitare relaxationem declaratoriæ
Adden. ad Buratt. dec. 17. num. 6. Rot. dec. 254. num. 8. par. 6.
& paſſim, & adverſus idem Capitulum reſpondit *Rot. coram.*
Rmo Ponente 14. Ianuarii 1724. S. Minusque quam diſtribui mus.

Vltra quod in præſenti exceptio liquidationis nequit retardare re-
laxationem declaratoriæ nam cum omnes fructus conſiſtant in
maſſa groſſa & diſtributiones, & Reverendiſſimum Capitulum
ſingulis annis, & certis, & determinatis diebus perſolvat ſingu-
lis Canoniciſ ſuam fructuum portionem, & proinde quemadmo-
dum perſolvit omnibus aliis Canoniciſ, ita quoque fructus per-
ſolvere debeat Principali poſt extraditam, metu declaratoriæ
poſſeſſionem, & quoties ex libris Capituli, & portionibus fru-
ctuum aſſignatis aliis Canoniciſ, remanet probata quantitas de-
bita Principali: Hoc caſu exceptio liquidationis non retardat
relaxationem declaratoriæ, ut allegatis quampluribus Sacræ Ro-
tæ deciſionibus probat præcitata deciſio Reuerendiſſimi Ponen-
tis *d. die 14. Ianuarii 1724. d. S. Minusque ex noſtra parte di-*
ſtributa.

Et ex his fit patentissimum non esse locum subscriptioni prætensi dubii quod concernit fructuum liquidationem à die capte possessionis usque ad præsens tum quia non præcessit paritio, & depositum, tum quia prætensa liquidatio non est necessaria.

Non obstat, quod non sit locus declaratoriae cum litteris executorialibus fuisset ex parte Reverendissimi Capituli Toletani paritum, ex quo sententiae reportatae à Principali super executionem litterarum Apostolicarum, nihil aliud continent, nisi ut Principalis immittatur in possessionem Canonici, & illi restituantur fructus pendente lite decursi, & propterea cum Reverendissimum Capitulum Principalem in possessionem immiserit, & fructus pendente lite decursos persolvit, dicitur plenarie obtemperasse litteris exequutorialibus: Nam ut ex lectura litterarum exequutorialium apparet non solum Principali decreta sunt immissio ad Canonici possessionem, sed etiam decreta sunt possessio omnium fructuum, reddituum, & emolumentorum quorumcumque ad d. Canonatum spectantium, ut ex *Summario principali num. 2. litt. N.* alias enim possessio sine fructuum perceptione esset possessio verbalis, ac de uento, & proinde quoties Capitulum vigore exequutorialium extradit possessionem, & deinde non soluit Possessori Canonici fructus d. Canonici, tunc non dicitur litteris exequutorialibus obtemperasse, sed contra illud decernitur declaratoria prout individualibus huius Sacrae Rotae decisionibus probavi in mea facti §. 7. & concurrat ratio naturalis, nam ad quid deserviret possessio Canonici decreta ab hoc supremo Auditorio, si postquam à Capitulo extradita sunt possessio deinde Reverendissimum Capitulum fructus non persolveret: Possessio enim debet esse cum effectu, & fructuum perceptione alias non esset possessio vera, & realis, sed nuda possessio verbalis, & proinde eo ipso, quod ab hoc supremo Tribunali decernitur favore alicuius immissio ad possessionem, dicitur decernere possessio cum effectu, scilicet cum perceptione fructuum debitorum legitimis possessoribus Canonici, & miramur quomodo exadverso impugnetur hoc principium in Iure absolutissimum, & quomodo prætendi possit fuisse paritum litteris executorialibus cum sola traditione possessionis verbalis sine fructibus & quoque possit Reverendissimum Capitulum denegare fructus Canonico, quem ad possessionem Canonici vigore exequutorialium huius supremi Tribunalis admisit.

Multò minùs obstat, quod post traditam possessionem cadit nova inspectio, & nova causa prorsus diversa à præcedenti, & proinde debeat esse locus disputationi novi dubij. Nam ex prædictis patet responsio; siquidem aut hoc Sacrum Tribunal in litteris Executor

utorialibus demandauit extradi Principali possessionem verba-
lem, & de vento, & hoc casu esset noua Causa; Aut in litteris
Exequutorialibus hoc Supremum Auditorium demandauit Prin-
cipali extradi possessionem veram, realem, & cum effectu,
& hoc casu possessio vera, realis, & cum effectu debet esse cum
fructuum perceptione, itaut fructuum solutio tamquam sequela
omnino accessoria dependet à litteris Exequutorialibus; Quod
autem hoc Supremum Tribunal decreuerit fauore Principalis
immissionem ad possessionem Canonatus, veram, realem, &
cum fructuum perceptione, liquet ex lectura sententiarum, de
quibus in *nostro Summ. principali num. 2. litt. N.* ibi = *Inmitten-*
dum fore, Et esse in veram, realem, actuale, & corporalem pos-
sessionem d. Canonatus, & Præbendæ, eorumque fructuum, pro-
uentuum, reddituum, distributionum, & emolumentorum, quo-
rumcumque, prout nos immittimus, & pro immisso haberi volumus,
& mandamus. Et proinde Reuerendissimum Capitulum nequit
dici obtemperasse litteris Exequutorialibus, mediante extraditio-
ne possessionis, nisi etiam illam cum perceptione fructuum ex-
tradat, singulis annis fructus, qui possessori debiti sunt persol-
uendo; Et proinde hoc Sacrum Tribunal semper relaxauit de-
claratoriam contra Capitulum, quia post traditam Canonatus
possessionem fructus Canonatus persolvere recusabant, vt ex
decisionibus indiuidualibus allegatis in mea Facti S. 7., cum nun-
quam dici possit paruissse litteris Exequutorialibus, nisi extradita
fuerit possessio plenaria, & cum effectu scilicet cum fructuum
perceptione, vt expressè in dd. litteris Exequutorialibus, & sen-
tentijs continetur; Et proinde non est Causa distincta; Sed Cau-
sa super solutione fructuum post extraditam possessionem con-
cernit nudam, & simplicem exequutionem litterarum Exequu-
torialium, ob quarum non partitionem decernitur declaratoria,
prout semper ex eadem Causa decreta fuit ab hoc Supremo Au-
ditorio.

Nec releuat, quod plures cadant inspectiones super fructibus præ-
tensis à Principali; Nam illi non debentur ex quo cum post ter-
minatam Causam coram Reuerendissimo de Gamaches de mense
Iunij 1724. commoratus fuit in Vrbe, & deinde se contulit ad
exercendum munus Inquisitoris in Regno Murtiæ de mense Au-
gusti 1725. vtique cum dicto medio tempore non residebat in
Vrbe ratione litis neque exercebat munus Inquisitoris in dicto
Regno Murtiæ, ideo toto dicto tempore non debeantur fructus.
Quandoquidem Principali debiti erant fructus dicti temporis, nam
quamuis lis etiam in deuolutiuo terminata fuerit de mense Iulij
1724. Nihilominus Capitulum non adhuc paruerat litteris Exe-
quutorialibus, & Declaratoriæ, quia paritio facta fuit in Ciuitate

te Toletana die 19. Septembris 1724. *Summ. Partis num. 4.* 78
die 3. Nouembris eiusdem anni 1724. *codem Partis Summ. num. 5.*
vnde notitia non potuit ad Urbem deuenire nisi in principio men-
sis Ianuarij 1725., de quo tempore non poterat D. Principalis
iter arripere ad effectum se conferendi ad Regna Hispaniarum
tempore hyberno, quo iter tam per Mare, quam per Terram
est periculosissimum, & per consequens cum statim post adue-
tum Veris, ab Vrbe discessit, & peruenit ad Regnum Murtie
principio Augusti ad exercendum suum officium, vtiq; fructus
dicti temporis principali debentur tamquam legitime, & ex iusta
Causa commoranti in Vrbe pro defensione sui honoris, & litis
vt probaui in mea Facti §. 9.

Vltra quod necessaria erat presentia Principalis in Vrbe, quia con-
tunc commoraretur etiam in Vrbe Canonicus Agens Reueren-
dissimi Capituli, qui non desistebat novos intentare recur sos pro
eternanda causa, erat etiam necessarium, atque iustum, vt Prin-
cipalis ad remouendos omnes dicti Canonici Agentis instantias
Vrbe commorasset, itaut statim ac discesserit dictus Canonicus
ipse quoque Principalis discessit. Et in omnem casum hoc con-
cernit liquidationem, quæ non amplius valet opponi, ex quo
terminis ad docendum de partitione seruatis vsque de mense Ma-
tij anni elapsi Capitulum in actis non fecit partitionem, nec ab
quod depositum neque proposuit exceptionem liquidationis,
proinde non potest euitare relaxationem declaratoriæ.

Secundo opponitur fructus Principali non deberi, ex quo non e-
misit fidei professionem, quo casu fructus eidem non debentur
dispositione *Conc. Trid. sess. 24. cap. 12. de reformat.*; Nam non
probat Reuerendissimum Capitulum, quod in dicta exceptione
fundatur, Principalem non emisisse fidei professionem; quia
iam fuisse emissam in Capitulo à Procuratore specialiter Delega-
to à D. Principali in actu quo illi extradita fuit Canonicatus po-
fio, liquet ex *nostro Summ. principali num. 2. lit. GGGG.*
vt hæc exceptio est calumniosa, & insubsistens, & directa ad con-
culcandum D. Principalem sine vilo fundamento.

Præterea obijcitur, quod Principali post possessionem non sint de-
bita certa emolumenta; Sed etiam ista exceptio est friuola, quia
Principalis non prætendit emolumenta sibi non debita, sed fru-
ctus ratione Canonicatus sibi debitos.


Et denique prætenditur Principali non esse debitas distributiones
quotidianas, cum non resideat in Ecclesia. Et pariter ista excep-
tio est inutilis, nulliusque releuantia; Quoniam Inquisitionis
S. Inquisitionis, licet in Ecclesijs, in quibus habent Dignitates
& Canonicatus non resideant, lucrantur distributiones quotidia-
nas, vt probant auctoritates adductæ in mea Facti §. 12.

Sublatis itaque emendicatis prætextibus speramus esse decernendum declaratoriam, quosque Reuerendissimum Capitulum pareat litteris Exequutorialibus soluendo fructus decursos post captam possessionem Canoniciatus, & emittat specialem in actis obligationem soluendi fructus imposterum decurrendos, prout iustitia, & equitas postulat. Utque Reuerendissimum Capitulum Toletanum ediscat Executorialibus huius Supremi Tribunalis verè, realitèr, & cum effectu obtemperare, & non illarum executionem summo cum spretu sub emendicatis prætextibus eludere.

Quarè &c.

Vitus Angelus Caualletti.

Thur. Angeline Connelley.



R. P. D.

C O R I

*Toletana Canonicatus super
Declaratoria.*

P R O

Illmo D. Iosepho Fernandez Iubera
quisitore Regni Murtiæ, ac Can
nico S. Ecclesiæ Toletanæ.

C O N T R A

Rmum Capitulum Toletanum.

~~~~~

*Responsio.*

~~~~~

Typis Zinghi, & Monaldi 1725.